



Universitätsbibliothek Paderborn

**Isagoge Sive Introductio Ad Vitæ Spiritualis
Perfectionem, Omnibus tam Regularibus, quām Clericis
Sæcularibus, Confessariis, Concionatoribus, & Animarum
Pastoribus perquām utilis, & specialiter ...**

Herlet, Johann Georg

Sulzbaci, Anno MDC.XCIII.

§. 3. De incremento virtutis Paupertatis.

urn:nbn:de:hbz:466:1-37853

§. 3.

De incremento virtutis Paupertatis.

269. DE necessitate paupertatis ad proficiendum ait S. Laurentius Justinianus in *Ligno vita de paupert.* c. 4. *Ab omni affectione & curâ per paupertatem, voluntariam omnium temporalium liberi esse debent; quatenus Deo liberius vacare queant.* Nam Deo mundo corde vacare penitus non potest, quisquis temporalium rerum implicatur amore, & distractus occupatione. *Spiritus est Deus, & eos, qui eum adorant, oportet in Spiritu & veritate adorare; ut unum cum Deo efficiantur, quod est proprium quiescentium, quorum vota sursum tendunt, & quorum exercitatio spiritualis est.* Porro in virtute paupertatis proficimus, si non tantum patienter & æquo animo toleremus defectus in rebus necessariis v. g. in vietu, vestitu, strato &c. verum etiam insuper hilariter, gaudenter, cum amore & delectatione ac letitia animi perferamus hujusmodi incommoditates & defectus. Laudabile non est, pauperem esse; sed in paupertate paupertatem amare, & paupertatis inopiam propter Christum gaudenter & hilariter sustinere, sufferendo etiam quedam incommoda propter paupertatis amorem; inquit S. Vicentius tract. de vita spirit. c. 1. Quomodo S. Paulum sustinuisse incommoda paupertatis legimus, qui vixit in fame & siti, in frigore & nuditate 2. Corinth.

Corinth. 11. De quo etiam refert S. Chrysostomus homil. 4. de Laudibus Pauli, quod sapè necessarium non haberet cibum, nec quo se circumdaret indumentum. Unde de se & aliis suis coapostolis ait. 1. Corinth. 4. Usq; in hanc horam & esurimus, & sitimus, & nudi sumus. Quo autem animo fuerit in hujusmodi necessitatibus, significat 2. Corinth. 12. dicens: Placeo mihi in infirmatibus meis in contumeliis, in necessitatibus, in persecutionibus, in angustiis pro Christo. Quicunq; ergò experiri vult, an verè pauper sit spiritu, & an in virtute Paupertatis profecerit, is considerare debet in se, num effectibus aut comitibus sive amicis & sodalibus Paupertatis deletari soleat, cuiusmodi sunt fames, sitis, calor, frigus, fatigatio, durities, strati, & asperitas vestium; inquit Alphonsus Rodericus de perfect. tractat. de voto paupertat.

270. Præterea ad incrementum & profectum Paupertatis pertinet, ut foris coram hominibus maximè sacerularibus non erubescamus pauperes & indigentes videri, sive in vestibus, sive in viectu. Et quidem quod Religiosi non debeant verecundari ob uestes tritas & obsoletas, aut propter materiam vilem & grossam, vel etiam propter formam minus elegantem, docuit nos sanctissimus Domini Præcursor Iohannes, qui fuit norma & speculum Religiosorum. De quo Matthæus scribit. c. 3. Ipse autem Iohannes habebat umentum de pilis camelorum, & zonam pelliceam circa lumbos suos. Un-

05. Unde S. Basilius in *Regul. fus.* interrogat.
 22. Exquirat se ipsum quisq; utrinè magis assimilem esse Christiano homini conveniat, iisnè qui habitant in aulis Regum & mollibus vestiuntur? an nuncio & Praconi Adventus Domini, quo in natis mulierum non surrexit major? de Joanne Inquier filio Zacharie; cuius vestimentum ex setis Camelorum erat. Sanctus Augustinus Episcopus & tantus Doctor Ecclesiae, qui in Regula suis præscribit, ut non sit nobilis habitus eorum, neq; affectent vestibus placere, sed moribus; non erubescat de vili indumento, sed de pretioso. Ita enim de se testatur serm. 50. de *Diversis*. Fateor vobis, de pretiosa ueste erubesco; quia non decet hanc professionem. S. Norbertus electus Episcopus Magdenburgensis tam vilibus, tritis & obsoletis indutus erat vestibus, ut propterea tanquam vile mendicabulum rejiceretur & excluderetur a janitore palati Archiepiscopal; uti refert Surius in ejus vitâ ad diem. 6. Junii. Vestis S. Martini Episcopi Turonensis erat de setis camelorum, teste Sulpitio in ejus vitâ. S. Basilius Episcopi Cæsariensis indumenta fuerunt pilosi centunculi, in quibus etiam mendicus erubesceret. Unde in constitut. Monast. c. 31. hortatur: De uestimentis calceamentis vè non ea exquirenda nobis sunt elegantiora, sed quæ viliora, ea diligenda. Et epist. 1. ad Gregorium suum ait: Humilitas requirit, ut Habitus sit neglectus. De S. Equitio multorum Monachorum patre testatur S. Gregorius lib. 1. dialog.

c. 4.

c. 4. quod tam vilibus indumentis vestitus fuerit, ut si quis illum non agnovisset, salutatus etiam ab eo, resulatare despiceret. Non est igitur Religioso erubescendum de Paupertate in vestitu, quam ejus professio & status requirit: cum etiam maximi Præsules & Episcopi ex Monasteriis asumpti, in suo statu & dignitate Ecclesiasticâ non erubuerint indui vilibus vestimentis, & in iis coram populo apparere. Imò magis de pretiosis vestibus erubescere deberemus; eò quod etiam sacerdotes judicent, eas voto Paupertatis & professioni nostræ minime convenire. *Heu me miserum qualemcumq[ue] Monachum!* exclamat S. Bernardus in *Apolog. ad Guilielm. Abbatem.* Ecce enim ipse habitus noster (quod & dolens dico) qui Humilitatis solebat esse insigne, à Monachis temporis nostri in signum gestatur superbia. Vix jam in nostris Provinciis invenimus, quo vestiri dignemur. Cucullam empturus lustras urbes, fora circuis, percurris nundinas, domus scrutaris negotiatorum, cunctam evertis singulorum suppellectilem, ingentes explicas pannorum cumulos, attrectas digitis, admoves oculis, solis opponis radio; quidquid grossum, quid quid pallidum occurrit, respuis. &c.

Quod verò Religiosi etiam non debeant erubescere coram sacerdotalibus vel aliis quibuscunq[ue] propter paupertatem victus, pulchrè demonstrat S. Basilius in *Regul. fus. interrogat.* 20. dicens: *Quoniam videmus eos, qui in civili vita genere versantur, humilitatem pau-*

pertatis fugere veluti rem ignominiosam, ob
 amq; causam, quotiescumq; aliquis ipsis suscipien-
 dis est hospes, epularum & copiam, ex magnificen-
 tiam studiosius conseculari; metuo, nè ad nos quoq;
 furtim se istiusmodi pestis insinuet; nevè plane-
 ii esse convincamur, quos tantopere commenda-
 tæ à Christo Paupertatis pudeat. Quid nobis
 cum apparatibus sumptuosis? accessit ad nos ho-
 spes aliquis? Si Frater est, & idem nobiscum
 vitæ institutum habet, is domesticam suam
 mensam agnoscet. Accessit alius à communii vul-
 gariq; vivendi consuetudine? hinc discat ex
 factis, qua ratio illi persuadere non potuit; for-
 mulam & adumbrationem hinc mutuetur vita
 frugalioris. Quod si his minimè ille permove-
 bitur, ac potius ridiculo habebit; prorsus iterum
 nobis molestus non erit. Nisi vestitus etiam de-
 mutandus nobis sit, quotiescumq; casus tulerit, ut
 in superbos ac fastigio elatos aliquos inciderimus.
 Quod si hoc facere minus instituto nostro conveni-
 at; illud certè multò ab honesto alienius, si ob istos
 delicatulos à mensa nostræ solito ritu recesserim-
 us. Tu quoque cism & largiore epularum co-
 piâ, & exquisitâ nimis in illis ad voluptatem
 apparandis solertia in Fratre accipiendo mensa
 tue solitum ritum immutas, sine controversia
 ipsum veluti hominem voluptatibus deditum ac-
 cusas, & apparatu illo ei contumeliam infligis,
 nimirum qui ventris illi libidinem objicias. Ade-
 de quod hospites non raro scandalizentur ex
 liberaliori & sumptuosiori mensâ apud Regu-
 lares; putant enim & judicant, quod incolæ
 talis

taljs loci ordinariè & quotidiè tam lautè vivant, saltem in mensâ Abbatis ; & non propter hospites, sed propter seipsoſ tantum fecerint ciborum apparatus ; prout aliquoties jam putarunt, ac proptereā passim Monasteria diffamarunt quidam sacerdotes, qui in Abbatiis liberalius quoad cibum & potum fuerunt habiti. Lege vitas Patrum , & invenies , quid hac in re contigerit eidam Anachoretæ lautius excipienti duos Fratres peregrinos.

§. 4.

De incremento virtutis Castitatis.

271. **Q**uamvis certissima sit doctrina Beati Joannis Climaci grad. 15. *Castitatem nostris laboribus tantum & industria acquire non posse.* Nihilominus ex parte nostrâ conandum est, ut Divinæ gratiæ cooperantes, ad excellentem quendam & sublimem Castitatis gradum ascendamus, in quo Deum puro ac mundo corde per contemplationem videre , & per charitativam adhæsionem unus cum eo Spiritus effici possimus. Porrò præter duos illos gradus, quos suprà pro incipientibus & Novitiis assignavimus , supersunt adhuc alii quinq; proficiensibus descendendi.

Primus (alias tertius) continet eos, qui carnem suam cum concupiscentiis, adeo per abstinentiam jejunia , vigilias & labores mactarunt , subegerunt, crucifixerunt & mortificarunt, ut ordinariè jam non amplius moveantur

P P S

tur